



Concilia Provincialia Mediolanensis Sex

Borromeo, Carlo

Venetiis, 1602

Bulla S. D. N. D. Pij, Diuina Prouidentia Papæ Quarti. Super ordinatione, & promotione Doctorum, & aliorum cuiuscumque artis, & facultatis professorum de cætero obseruanda.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

tenus unquam comprehensas, sed semper ab illis exceptas, & quoties illæ emanabunt, toties in pristinum, & ualidissimum statum restitutas, & de nouo concessas fore, ac censeri decernimus perpetuis futuris temporibus duraturas. Volumus autem quod si aliqua alia Indulgentia fuerit per nos in aliquo loco eidem Confraternitati concessa, præsentis quò ad locum huiusmodi nullæ sint. Dat. Romæ apud Sanctum Petrum Anno Incarnationis Dominicæ, Millesimo, Quingentesimo, Sexagesimo Quarto, Id. Aprilis. Pontificatus nostri anno Quinto.

Bulla S. D. N. D. Pij, Diuina Prouidentia Papæ Quarti. Super ordinatione, & promotione Doctorum, & aliorum cuiuscunque artis, & facultatis professorum de cætero obseruanda.

TIVS EPISCOPVS, SERVVS SERVORVM DEI.
Ad perpetuam rei memoriam.

INSACROSANCTA Beati Petri Principis Apostolorum Cathedra, meritis licet imparibus, hisce procellosis militantis Ecclesie tempestatibus constitutos, plurimum nos oportet esse sollicitos, ut Domini gregem, curæ nostræ commissum, non solum ab apertis rapacium luporum undequaque caulis obstrepentium insulubus, sed etiam à magis formidolosis pestiferarum vulpecularum domi latitantium insidiis per prouidum pastoralis officij ministerium, ipso Domino cooperante, præseruemus; ac illis omnes nocendi occasiones, quantum cum Deo possumus, ubilibet auferamus. Cum itaque iuxta notum Sanctissimi Vatis oraculum, Timor Domini, sine quo uera Religio, & Catholica fidei puritas nullibi reperitur, sapientiæ sit initium, & qui, uel in scientijs proficere, uel eas alios docere parant, supremum illum sapientiæ parentem, benignumque largitorem deuoto sane fidei obsequio demereri, ueraque sincere Religionis pietate sibi conciliare debeant. Idcirco hanc Fidei puritatem scientijs, doctrinisque quibuslibet tum tradendis, tum adipiscendis, tanquam necessariam basim, constitutere; & ne simplicia nonnullorum adolescentium, res nouas audiendi cupidorum, ingenia in naufragos blandientium hæreticorum scopulos imprudenter impingant, ecurrere cupientes, Motu proprio, & ex certa scientia nostra, ac de Apostolica potestatis plenitudine, quòd deinceps nullus Doctor, Magister, Regens, uel alius cuiuscunque artis,

artis, & facultatis professor, siue clericus, siue laicus, ac secularis, uel cuiusvis ordinis regularis sit, in quibusuis studiorum generalium Vniuersitatibus, aut Gymnasis publicis, aut alibi ordinariam, uel extraordinariam lectoris Cathedram assequi, uel iam obtentam retinere, seu alias, Theologiam, Canonicam, uel Ciuilem censuram, Medicinam, Philosophiam, Grammaticam, uel alias liberales artes, in quibuscunque Ciuitatibus, Terris, Oppidis, ac locis, etiam in Ecclesijs, Monasterijs, aut Conuentibus Regularium quorumcunque publicè, uel priuatim quoquomodo profiteri, seu lectiones aliquas in facultatibus huiusmodi habere, uel exercere: neque Doctores ipsi, aut Vniuersitatū, seu Gymnasiorum eorundem Rectores, Cancellarij, uel alij superiores, sed nec etiam Palatini Comites, aut alij particulares facultatem eruditos uiros ad eosdem gradus promouendi, etiam à nobis, & Apostolica Sede, uel alijs undecunque habentes, scholares, tam laicos quam clericos, & cuiusvis ordinis regulares, uel alios quoscunque quātalibet eruditione præditos, ad ullum gradum in eisdem facultatibus suscipiendum recipere, & admittere; Neque Doctores, Magistri, & Scholares ad electionem alicuius in Rectorem, uel Cancellariū Vniuersitatis, aut Gymnasij procedere; Nec ipsi Scholares, uel alij quantumlibet docti, & alioqui habiles, gradus huiusmodi, uel eorum aliquem palam, uel priuatim recipere ualeant, nisi Doctores uidelicet ac Regentes, Magistri, & alij professores iam ad cathedras, & lectiones recepti, in Italia infra tres, extra uerò illam infra sex menses à die publicationis presentium computandos, reliqui uerò ad cathedras & alias lectiones ibidem in posterum assumendi ante illorum receptionem in Rectoris, uel aliorum superiorum; Eligendi autem in Rectores, uel Cancellarios ante illorum electionem, uel saltem admissionem in Ordinarij loci, uel eius in spiritualibus Vicarij; ac promouendi Scholares, & alij præfati ante illorum promotionem in eiusdem Ordinarij, seu eius Vicarij, aut Doctorum, aliorum uè promouentium manibus, præuio etiā processu, uel debita informatione, quantum eis sufficere uidebitur, super Religione, Fideq; Catholica, Rectorum, Cancellariorum, Doctorum, lectorum, & promouendorū eorundem per ipsos locorum Ordinarios, uel eorum Vicarios ritè facta præcedente, eandem Catholicā fidem, uerbis, iuxta formæ infra scriptæ tenorem, conceptis palam, & solemniter profiteri teneatur; Et desuper instrumentū publicum confici, ac de processu, seu informatione, & fidei professione in Priuilegio Doctoratus, uel alterius gradus huiusmodi specialis, ac de uerbo ad uerbum mentio, & relatio fieri debeat, auctoritate Apostolica tenore presentium perpetuo statuimus, & ordinamus: Ac omnibus & singulis earundē Vniuersitatū, & Gymnasiorum Rectoribus, Doctoribus,

bus, & alijs superioribus, ac alijs facultatem doctorandi habentibus, cuiuscunq; status, gradus, ordinis, conditionis, & præminentie fuerint, etiã si Episcopali, Archiepiscopali, Patriarchali, uel maiori dignitate, etiã Cardinalatus honore: ac Ducali, uel alia, etiã Regia, & Imperiali auctoritate præfulgeant, ne quem in Vniuersitatibus, Ciuitatibus, Oppidis, uel alijs locis sibi in spiritualibus, uel tēporalibus subiectis, aliter cathedras, aut alias lectiones retineri, cōsequi, uel ad gradus promoueri respectiue patiatur, in uirtute sanctæ obediētiae, & sub interdito ab ingressu Ecclesie, quo ad antistites, quò uerò ad inferiores sub excommunicationis late sentētia, necnō priuationis omniū, & singulorum dignitatū, beneficiorum, officiorū, & feudorum Ecclesiasticorū per eos quomodolibet obtentorū, & inhabilitatis ad illa, & alia in posterum obtinenda, eo ipso per contrafacientes incurrendis penis districtius inhihemus: Ac quascunq; receptiones, promotiones, electiones, & admissiones absque processu, certa q; de Religione, & Fide Catholica notitia, ac dicta fidei professione sic, ut præfertur, præcedēte, pro tēpore factas, nullas, inualidas, nulliusq; roboris, uel momentū esse, neq; cuiquā in iudicio, uel extra suffragari posse, sicque per quoscunq; Iudices, & Cōmissarios, quauis auctoritate fungētes, sublata eis, & eorū cuilibet quauis aliter iudicādi, & interpretandi facultate & auctoritate, iudicari, & diffiniri debere, ac quicquid secus à quoquā quauis auctoritate sciēter, uel ignorāter attentari contigerit, irritū & inane decernimus. Nō obstantibus constitutionibus, & ordinationibus Apostolicis, ac Vniuersitatū, & Gymnasiorum, ordinum, & locorum quorūcunq; et iuramento cōfirmatione Apostolica, uel quauis firmitate alia roboratis statutis, & cōsuetudinibus, priuilegijs quoq; indultis, facultatibus, et literis Apostolicis eisdē Vniuersitatibus, et Gymnasijs, ac ordinibus, & locis, eorūq; Rectoribus, Doctoribus, Superioribus, etiã in tēporalibus Dominis, Comitibus Palatinis, & alijs etiã regularibus personis præfatis sub quibuscūq; tenoribus, & formis, ac eū quibusuis etiã derogatorijs derogatorijs, alijsque efficacioribus etiã uim contractus inducentibus clausulis irritantibusque, & alijs decretis in genere, uel in specie, etiã per nos, ac Sedem præfatam, etiã motu, sciētia, & potestatis plenitudine similibus, seu ad quorūuis, etiã Imperatorū, Regū, Rerū publicatarū, Ducū, & aliorū Principum instantiã, & alijs quomodolibet cōcessis, ac etiã pluries approbatis, & innouatis. Quibus omnibus, etiã si pro illorū sufficiēti derogatione de illis, eorumque totis tenoribus, specialis, specifica, expressa, & inuidua, non antem per clausulas generales, idem importantes, mentio, seu quauis alia expressio habenda, aut aliqua alia exquisita forma ad hoc seruanda foret, illorum ueriores tenores, ac si de uerbo aduer-

ad verbum inferentur, presentibus pro sufficienter expressis, & insertis habentes: specialiter, & expresse, motu simili derogamus, contrarijs quibuscumque: Aut si aliquibus communiter, vel diuisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem. Ne autem quispiam presentium ignorantiam pretendere, vel excusationem allegare possit; sed ipse ad omnium notitiam deducatur; Volumus, & mandamus, quod eadem presentes in Basilicę Principis Apostolorum de Vrbe, & Cancellarię nostrę valuis, ac acie Campi Florę per aliquem ex Curforibus nostris affixę, copia illarum ibi dimissa, omnes in Italia intra tres, extra verò illam existentes intra sex menses proximos, ab ea die affixionis computandos, perinde arctent, ac si illis personaliter intimatę fuissent. Forma autem dictę professionis Fidei hæc est. Ego N. firma fide credo, & profiteor omnia, & singula quę continentur in Symbolo Fidei, quo sancta Romana Ecclesia vitur, videlicet. Credo in vnū Deum, Patrem omnipotentem factorem cęli, & terrę visibilium omnium, & inuisibilium. Et in vnum Dñm Iesum Christum, filium Dei vnigenitum. Et ex patre natum, ante omnia secula: Deum de Deo, lumen de lumine, Deum verum de Deo vero Genitum, non factum, consubstantialem patri, per quem omnia facta sunt. Qui propter nos homines, & propter nostram salutem descendit de cęlis. Et incarnatus est de Spiritu sancto ex Maria virgine, & homo factus est. Crucifixus etiam pro nobis: sub Pontio Pilato passus, & sepultus est. Et resurrexit tertia die secundum scripturas. Et ascendit in cęlum, sedet ad dexteram Patris, Et iterum venturus est cum gloria iudicare viuos, & mortuos: cuius regni non erit finis. Et in Spiritum sanctum, dominū, & viuificantem, qui ex patre, filioque procedit. Qui cum patre, & filio simul adoratur, & conglorificatur, qui loquutus est per Prophetas. Et vnā sanctam Catholicam, & Apostolicam Ecclesiam. Confiteor vnū Baptisma in remissionem peccatorum. Et expecto resurrectionem mortuorum. Et vitā venturi seculi Amen. Apostolicas, & Ecclesiasticas traditiones, reliquasq; eiusdem Ecclesię obseruationes, & constitutiones firmissimē admitto, & amplector. Item sacram Scripturam, iuxta eum sensum, quem tenuit, & tenet sancta mater Ecclesia, cuius est iudicare de vero sensu, & interpretatione sacrarū Scripturarum, admitto, nec eam vnquam, nisi iuxta vnanimem consensum Patrum accipiam, & interpretabor. Profiteor quoque septem esse verē, & propriē sacramenta nouę legis, à Iesu Christo Domino nostro instituta, atque ad salutem humani generis, licet non omnia singulis necessaria, scilicet, Baptisma, Confirmationem, Eucharistiam, Pœ-

nitentiam, Extremam vñtionem, Ordinem, & Matrimonium, illaq̃
 gratiam conferre, & ex his Baptismum, Confirmationem, & Ordinem
 sine sacrilegio reiterari non posse: Receptos quoque, & approbatos
 Ecclesiæ Catholicæ ritus in supradictorum omnium sacramentorum
 solemnè administratione recipio, & admitto. Omnia & singula, quæ
 de peccato originali, & de iustificatione in sacrosancta Tridentina Sy-
 nodo definita, & declarata fuerunt, amplector, & recipio. Profiteor
 pariter in Missa offerri Deo verum, proprium, & propitiatorum sacri-
 ficium pro viuis; defunctis, atque in Sanctissimo Eucharistiæ sacra-
 mento esse verè, realiter, & substantialiter corpus, & sanguinem, vna
 cum anima & diuinitate Domini Nostri Iesu Christi, fierique conuer-
 sionem totius substantiæ panis in corpus, & totius substantiæ vini in
 sanguinem, quam conuerſionem Catholica Ecclesia transubstantiatio-
 nem appellat. Fateor etiam sub altera tantum specie totum atque in-
 tegrum Christum, verumque sacramentum sumi. Constantè teneo
 Purgatorum esse, animasque ibi detentas fidelium suffragijs iuuari. Si-
 militer & Sanctos, vnà cum Christo regnantes, venerandos, atque in-
 uocandos esse, eosque orationes Deo pro nobis offerre, atque eorum
 Reliquias esse venerandas. Firmiter assero imagines Christi, ac Dei-
 paræ semper Virginis, necnon aliorum Sanctorum habendas, & reti-
 nendas esse, atque eis debitum honorem, ac venerationem impartien-
 dam. Indulgentiarum etiam potestatem à Christo in Ecclesia relicta
 fuisse, illarumque vsum Christiano populo maximè salutarem esse as-
 firmo. Sanctam Catholicam, & Apostolicam Romanam Ecclesiam
 omnium Ecclesiarum matrem & magistram agnosco. Romanoque
 Pontifici beati Petri Apostolorum Principis successori, ac Iesu Christi
 Vicario, veram obedientiam spondeo, ac iuro. Cætera item omnia à
 sacris Canonibus, & Oecumenicis Concilijs, ac præcipuè à sacrosan-
 cta Tridentina Synodo tradita, definita & declarata, indubitanter re-
 cipio, atque profiteor: simulque contraria omnia, atque hæreses qual-
 cumque ab Ecclesia damnatas, & reiectas, & anathematizatas, ego pa-
 riter damno, reijcio, & anathematizo. Hanc veram Catholicam fi-
 dem, extra quam nemo saluus esse potest, quam in præsentì spontè pro-
 fiteor, & veraciter teneo, eandem integram, & immaculatam vsque ad
 extremum vitæ spiritum constantissimè Deo adiuuante retinere, &
 confiteri, atque à meis subditis, seu illis, quorum cura ad me in munere
 meo spectabit, teneri, doceri, & prædicari, quantum in me erit, cura-
 turum. Ego idem N. spondeo, voueo, ac iuro: sic me Deus adiuuet,
 & hæc sancta Dei Euangelia. Nulli ergo omnino hominū liceat hanc
 paginam nostræ ordinationis, inhibitionis, derogationis, voluntatis,
 statuti, decreti, & mandati infringere, vel ei ausu temerario contraire.

Si quis autem hoc attentare præsumperit, indignationem Omnipotentis Dei, ac beatorum Petri, & Pauli Apostolorum eius, se nouerit incursum. Dat. Romæ apud Sanctum Petrum, Anno Incarnationis Dominicæ, Millesimo Quingentesimo Sexagesimo Quarto, Idibus Nouembris. Pontificatus Nostri Anno Quinto.

Cæ. Glorietius.

Constitutio S. D. N. Pij Papæ Quinti per Dominos Medicos obseruanda.

PIVS Papa V. ad perpetuam rei memoriam.



Vpra Gregem Dominicum nostræ vigiliæ diuinitus creditū, vigilis speculatoris, prout nobis desuper conceditur, exercentes officium, ad ea per quæ Animarum saluti cum diuini nominis gloria consuli valeat, libenter intendimus, vt Christi fideles post Baptismum in peccata lapsi, per sacramentum penitentia Deo reconcilientur. Sane cum infirmitas corporalis nonnunquam ex peccato proueniat, dicente domino, languido quem sanauerat: vade noli amplius peccare, ne quid deterius tibi contingat, ac propterea prouida fel. recor. Innocentius III. prædecessor noster Medicis præceperit, vt cum eos ad ægrotos vocari contigerit, ipsos ante omnia moneant, vt animarum Medicos vocent, ne cum eis in extrema ægitudine constitutis suadetur, in desperationis articulum incidant. Nos igitur volentes hoc tam salutare præceptum nulla temporis præscriptione aboleri, sed semper obseruari, constitutionem præfatam auctoritate Apostolica tenore præsentium innouamus, & hac nostra in perpetuum valitura constitutione statuimus, & decernimus, quod omnes Medici cum ad infirmos in lecto iacentes vocati fuerint, ipsos ante omnia moneant, vt idoneo confessori omnia peccata sua, iuxta ritum S. R. E. confiteatur, neque tertio die ulterius eos visitent, nisi longius tempus infirmo confessor ob aliquam rationabilem causam, super quo eius conscientiam oneramus, concesserit, & eis per fidem confessoris in scriptis factam constiterit, quod infirmi, vt præmittitur, peccata sua confessi fuerint: coniunctos verò, ac omnes familiares, & domesticos infirmi in Domino rogamus, & monemus, vt de infirmitate parochum certiores faciant, tam parochus, quam coniuncti, & familiares præfati, infirmum ad confessionem peccato-

Ggg 2 rum